

四部叢刊三編集部

華陽集

卷一至卷四十

據商務印書館一九三六年版重印

四部叢刊三編(六五)

華陽集 宋張綱撰


上海書店印行

上海福州路四二四號

上海影印廠印刷

上海涵芬樓借北平
圖書館藏明刊本景
印原書板匡高二十
一公分寬十五公分

華陽老人文



煥章閣學士宣奉大夫

提舉隆興府玉隆萬壽

宮觀郡公洪邁撰

華陽集四十卷

故參知政

事資政殿學士章簡張公所
著也始大觀政和間庠序宏
盛彙四方雋造于京師公
起朱方孤生持經術驤奮聲
高一時儒先反足歛衽比三

冠倫遂策

崇政名為第一

天子當屢挹歎有旨濟用矣

老蔡方顓國挽使聽已倡富

貴有命之說連拄之且雅憎

王黼為邪弗忍識其面擢纔

學館郎官坎壈過十稔澹然
無嗟悔意獨玩心於內不肯
頃刻輟為文章每一落紙都
人即日傳播至汗漫棟宇達
炎庫成家鄉厄胡兵篋積貯

滅六丁下取略盡煨燔所存
僅逮百一既檜相得志齟齬
知名士惡子組織人語言買
進梯禍公在睥睨中又為
之閣筆袖手秦亡公亦老

故歷歲久著錄不能多薨之
明年嗣子戶部郎中堅鉞蒐
拾論次合八百五十九篇將
刊鏤垂世未克而沒後二十
三年慈孫池州使君奎乃出

捐家貲板寘郡學邁首得其
書伏讀之大氏制詞嚴而縝
表跡卷二主敬雖莫齒退休
未嘗以一篇倩人代作而
講筵故事十九章剴切明白

如論

仁宗得君人之

道舜不窮其民光武開心見

誠唐太宗察上封者之姦憲

宗御下有術文宗不能正陳

夷行唯阿之罪皆反復致志

因事納忠非若等輩區區備
課呈而已池州以書索序顧
晚出遼絕欲謝不敢念昔者
辱與戶部游而伯氏文惠公
奉使淮東時築亭結樓於官

舍公為賦兩詩酒琰搖江
波吞翠壁之句至今諷味在
口輒藉以自恕然甚慙公

自稱曰華陽老人集用是以
名紹熙二年三月十六日序

新刻華陽集序

天地山川靈秀融結必生竒崛瑰
瑋之士邁迹振古以開文獻於將
來而文獻之傳亦必有尚論景行
為之後進者以見聞而羽翼之斯
二者恒相須也故杞宋無徵孔子

傷之而聖賢經傳亦皆俟諸子以
世其傳此不特皇王之謨烈廊廟
之規章即德冠一鄉行徵一邑者
嘉言懿行典刑攸繫百世不可磨
也或曰人亡則如之何楊子雲云在
則人亡則書故頌詩讀書以論其人

茲尚友之道也予自垂髫時習禮
於鄉校見有宋先哲張文簡公者
豆而俎之於祠矣聞其人鄉邑之
耆俊而國家之梁棟也心竊慕之
及考之宋史叅之邑志僅述其姓
字與行跡之一二攷其遺文洪業

茂如也則心甚惜之曰之人也之德也廼罔聞於後世乎及予致政而田適與其裔孫光裕者游偶出殘編斷簡於蠹餘以示余讀之歎曰偉哉吾鄉之先哲有是哉孝義著於鄉邦勲烈赫於廊廟代言西